


optica moderna



SPRITZER + FUHRMANN

ARUBA ANSE COURANT



Diario pa



Aruba



ANJA 23

DIALUNA 21 JANUARI 1963

No. 4545

S. W. RIGAUD TA BIRA DIPUTADO

(Di nos corr. na Corsow)

WILLEMSTAD, 21 jan. — Eilandstaad di Corsow a nombra sr. S. W. Rigaud como diputado den lugar di sr. E. J. Morkos cu a bira Gezaghheber di Bonaire. Sr. Rigaud ta comitè cerca e oficina di Cultuur en Opvoeding y miembro di K.V.P. E nombramentu di sr. Rigaud a hanja oposicion di Partido Nacional cu kier a rebaha e cantia di diputado di cinco pa cuater.



SIEGFRIED WILHELM RIGAUD
e diputado nobo di Corsow

Sr. Rigaud a worde nombra cu 12 12 voto pro y 8 voto contra. Sr. Rigaud a naci na Corsow dia 2 di september 1931. El a bira su Mulo y despues a bira jornalista cerca Amigos di Curacao caminda el a traha un anja pa na 1950 drenta den servicio di gobierno. Actualmente sr. Rigaud ta encarga cu trahamentu di programa di television pa e oficina di cultura y educacion di gobierno.

DIPUTADO ANSLIJN TA TRAHA ATROBE

ORANJESTAD — Diputado W. C. Ansljin, kende algun dia pasa mester a worde hospitaliza cu un biza kibra pa motibo cu el a cai for di auto, a cuminsa traha diasabra mainta atrobe. Naturalmente e diputado tabata cu su biza den gips ainda.

MISA DOMINICANA DEN STA. THERESITA

ORANJESTAD, 21 jan. — Na ocasion di e fiesta di La Virgen di Altargracia, patrona di Republica Dominicana, o worde teni awe noch pa shet'or riba un iniciativa di e colonia Dominicana na nos isla, un sacrificio di misa especial den iglesia Santa Theresita na San Nicolas. E colonia Dominicana a laga invita un pader Dominicano for di Sto. Domingo na leza e misa y tambe pa tene un predikashi di fiesta.

Esaki ta un portret di e congreso comunista na Berlin Oriental. Riba e prome fila nos ta mira Shikov di Bulgaria, Wladislaw Gomoelka di Polonia, Nikita Chroesjef y Padgorny di e partido di Oekraina.



CHINA TA DRENTA FILA DI POTENCIANAN NUCLEAR

Na 1973 China lo ta entre e grandinan

TOKIO, 21 jan. — E agencia hapones di prensa „Jiji“ a anuncia, cu circulan cu tin bon relacion que ministerio di defensa, e comision Nipo-Yanqui di seguridad a delibera ajera tocante informacionnan, cu China Comunista tin dos bom nuclear.

Segun un corni e voceronan dje ministerio hapones di asuntunan exterior a bisa, que dos homnan ta exemplar nan chiqui di prueba. E agencia nacional di prensa „Kyodo“, a anuncia, cu Hapon a pone e miembronan mericano dje comision na altura.

Segun un otro agencia di prensa, nan lo haci e prome prueba na fin dje anja aki y lo dura 10 anja prome cu China ta equipu cu armanan completo. Nan a bisa cu China ta dispone di 4 reactor nuclear y a produci suficiente plutonium pa dos explosion di prueba.

E comandante supremo dje forzan mericano den territorio di pacifico, Almirante Felt, a bisa na un conferencia

di prensa na Tokio, cu Merca y nan aliadonan mester spera, cu China Comunista lo laga muy pronto un bom nuclear explota.

Almirante Felt a bisa esaki en relacion cu noticianan na Tokio, cu nan a bisa ayera na un reunion dje comision

legislativo di seguridad di Hapon y Merca teni na Tokio, nan a anuncia que republica popular lo tin aki diez anja un armamentu nuclear completo. Ya caba nan tin dos bom nuclear.

General Felt a agrega cu rusanan mester ta mas preocupa cu nos den mundu liber pa e desarollo aki.

Segun opinion di Almirante Felt, explosion di un bom nuclear na China lo no tin inmediatamente influencia riba situacion militar.

COMUNICADO NA BONN

BONN, 21 jan. — Despues di un entrevista di tres ora dje canceller federal di Alemania West Adenauer y minister di Alemania West di Exterior Schroeder, e ministerian di bondad di Alemania West y e presidentnan dje tres fraccionnan parlamenta-

tario a saca un comunicado comun den cual nan a pone acento, cu nan ta desca un fortificacion nobo dje amistad Frances Aleman.

Nan a bisa cu e amistad aki ta un dje basenan dje trabou di un unificacion Europeo y union Atlantico.

Tambe e politica di Alemania West, segun e comunicado, mester haci tur loke e por pa kila e barreranan pa afiliacion di Inglaterra den comunidad economico Europeo.

UN EXCUSA

London, 21 jan. — Un obrero di London cu a yega 20 minuut laat na su trabou, a duna un excusa cu ta referi e actual frialdad. Ora cu el a lanta y a banja, asina el a declara y kier a desayuna, el a ripara, cu su plancha di diente a vries pega den awa den e glas cu el a ponele anochi.

„Door cu net pa e momento aki no tabatin coriente, e no por a cende e estufa electrico o algun otro aparato, pa libral su plancha. El a dicidi pa tene e glas den su man y dirit e ijs cu calor di su man.“

Nan a acepta e excusa.

ALEMANIA WEST Y E DELIBERACIONNAN NA BRUSSEL

BONN, 21 jan. — Solamente un milager por salba e deliberacionnan tocante afiliacion Britanico den Euro-markt pa un fracaso, asina e secretario di estado di Alemania West pa Asuntunan economico, Mueller-Armack, a participa na un conferencia di prensa na Bonn. El a regresa for Brussel masha decepciona y preocupado, cu e ta kere, cu lo no bini ningun cambio den actitud di Francia. E tin miedo cu ocidente lo cai den dos bloke comercial grandi y cu lo tin un proteccionismo fuerte den e comunidad, ora cu nan duna London un contesta negativo. Despues dje decepcion aki, y dje humilacion aki lo cambia hopi cos, no solamente den e comunidad, asina el a bisa.

CORO DI MISA PROTESTANT NA SAN NICOLAS!

ORANJESTAD, 21 jan. — Actualmente ta existi plannan pa fundacion di un coro di misa Protestant na San Nicolas. Sr. Ad Stenzen a declara su mes disponibel pa tuma direccion di e coro aki na su cuenta. Un principio lo ser haci asina cu nan tin binti participante.



Esaki ta un tipo di vehiculo nobo pa exercicio ena pa prome bialta ta worde usa den un exercicio militar na Veldhoven, e centro di entrenamentu pa militar na Holanda. E vehiculo tin e nomber AMX y ta worde usa pa transporta persona.

YMCA SU CAMPANJA „SINJA LANDA“ PA HENTER ARUBA

ORANJESTAD, 21 jan. — Y.M.C.A. lo ofrece lesnan pa landa gratis na tur e klasnan di lagere school na Aruba. Cada scol tin mag di inscribi tanto

gruponan cu nan kier di maximo 15 muchu.

Cada grupo ta hanja diez les pa landa di trinta minuut. Despues di e diez les nan lo pasa un test. Esun cu ta pasa e test aki cu exito ta hanja un diploma. E lesnan ta ser duna pa maestronan profesional, mientras cu tambe tin lidernan mayor presente. E program cu ta worde haci posibel na Y.M.C.A. ta worde checta como un actividad di e scolnan mes. Hefe di e curso ta senior Julian Sanjurjo B., M.O. leraar di licenciamiento oefening. Alavez e ta funciona como examinador di e curso aki.

E lesnan ta worde duna na P.O.V.A. beach tur dia sabra atardi.

NOTICIANAN DI POLIS

Accidente di trabou

SEROE PITA — Mala suerte a companja e electricista L.K. diabiernes atardi ora cu e tabata trahando na un palo di luz na Seroe Pita. K. tabata para riba un trapi, monta riba un pick-up y tabata kitando un pida waya cu un piedra mara na dje, cu desconocidonan a tira den e otro wayanan na e palo. K. tabata haci esaki como cu sorto di obstaculonan asina den e red di electricidad por trece consecuenecianan grave. Despues di kila e pida waya, K. a cuminsa baha y pa su mala suerte su man a bini en contacto cu un waja di corriente di 230 volt. E homber a hanja un „shock“ y for di seis meter halto el a cai na suelo y keda drumi.

Cu ambulance nan a transporte pa San Pedro Hospital pa tratamentu medico. Ayera diadomingo nan a informa for di hospital cu situacion di L.K. ta mejorando.

FATUM — Tel.: 1845 pa tur bo aseguronan

Muchanan baldadi

SAN NICOLAS — Un habitante di San Nicolas a informa patrulla diabiernes anochi pa och'or cu un grupo di muchu homber a kibra un pida cura di su cas. Polis a logra garra un total di diez muchu y a resulta e ora ey cu dos di nan tabata lueha y door di esey nan a kibra pida di e muraya.

Despues di un seal fuerte na warda, e muchanan por a bai cas atrobe. Major di e muchanan a ser poni na haltura cu si tin danjo material, anto nan tin cu paga.

A perde

Andres Nicolaas a perde su naar di keda, probablemente den vecindario di misa catolica na San Nicolas.

HOPI INTERES PA REUNION BONAIRIANO

SAN NICOLAS, 21 jan. — E reunion cu e Grupo Politico Bonaairiano di P.P.A., a tene diasabra anochi den B.W.I. Hall na San Nicolas a hanja concurrencia di mas di 300 Bonaairiano bina na Aruba.

For di Bonaire a bini pa e ocasion aki e diputado A. Abraham, acompaña pa sr. Broerije Janga. Tabata presente tambe como invitadonan srs. J. Erasmus, presidente di P.P.A., demas figuranan di P.P.A. manera Jossy Tromp E. Finck, D. Matthews, L. Chance, J. Leonardo y N. Piña-Lampe y Hubert Booi di e Departamento di Informacion di Gobierno.

Sr. John Hart cu huntu cu J. Leonardo y Alejandro Frans ta e tres candidatonan pa bira representante di e Bonaairianoan den e proximo reunion di Eilandsraad, a duna e presentenan un explicacion di e obhetu di e reunion y di e sistema como e Bonaairianoan bina na Aruba ta bai organiza nan mes. Dia 27 awor e reunion importante

lo tuma lugar den cual e Bonaairianoan lo eligi nan representante na cas di sr. Romualdo Poirier. E directiva di P.P.A. lo dirigi e votamento aki y lo scope e personanan neutral cu lo tin di regla tur cos dia di votamento.

Candidato No. 4

E sorpresa durante e reunion aki tabata e discurso di senior Hubert Booi, sub-hefe di Servicio di Informacion di Aruba y Bonaairiano pa nacemento, cu a declara den su discurso cu e ta dispuesto pa pone su mes candidato tambe pa e eleccion di dia 37 p.v.

E declaracion aki di sr. Booi a hala hopi atencion.

MAN'S MEASUREMENTS

A man is no bigger than the way
He treats his fellowman;
This standard has his measure been
Since time itself began.
He's measured not by cloths or creed
High sounding tho they be;
Nor by his gold that's put aside
Nor by his ecstasy.
He's measured not by social rank,
When character's the test;
Nor by his earthly pomp or show,
Displaying wealth possessed.
He's measured by his justice, right
His fairness at play,
His squareness in all dealing made,
His honest, upright way;
These are his measures ever near,
To serve him when he can;
For man is no bigger than the way
He treats his fellowman.

— Author Unknown —
Found in „The Roar“



Den e dianan aki a tuma lugar na Stockholm un fiesta disfraz ba di e titulo „Un Anochi den Venecia“. Entre e hopi invitadonan tambe tabata presente e miembronan di Fania Real. Riba e portret aki nos ta mira e prinsenan Margaretha y Christina den nan disfraz.

Sorpresa di anja:

TROPICAL A GANA R.C.A. 6-4

(Di nos redactor deportivo) e campeonato actual cu e resultado di mas sorprendente ta indubitable esun entre Tropical y R.C.A. cu a worde hunga diaVierna pasa den Wilhelminastadion. Cu derrota di 6 gol pa 4, e onena di Tropical a manda esun di Solito cas. Un score cu practicamente ningun hende por a spera, especialmente como cu pa R.C.A. keda cu speranzanan cans peonil, nan lo tabata tin mester di 2 dos puntanan cu e wegá contra Tropical por a duna nan. Despues di e cososo derrota ey e chensnan ariba e titulo di campeon pa e onena tricolor a haci bon uso di e cantidad di pifianan cu e defensa di R.C.A. tabata comete. Na linea delantera a hunga un futbol rapido y agresivo, cual taba a sorprende e defensa contrario cada biaha.

R.C.A. a presenta cu un alineacion hasta cambia e anochi aki. Den gol tabata para Roby Simon, mientras cu den linea delantera nos por a nota e hobe, Duky Henriquez ariba linksbui en, Edwin Dirksz como mid-voor y Evenio Gonzalez como rechtsbui en. E dos ultimonan aki tabata

TERRITORIO INSULAR DI ARUBA

Outvanger di Territorio Insular di Aruba ta participa cu aummaning pa inkomstentelasting 1958, '59, '60, '61, '62, di cual e aanslagbiljetten ta fecha prome cu 8 di september 1962 y pa cual aummaning no a sali ainda, lo worde ponu na post dia 22 di januari 1963 y en gasto di aummaning pa es debenan ariba menciona lo worde cobra for di dia 23 di januari 1963.

Ademas di gasto di aummaning, interest lo worde cobra cummizando for di tercer luna di calender, signiendo riba esun den cual e ultimo plazo a vence.

tin varios luna for di accion debi na lesion na rudia.

Seis minuut despues cu referi Chin Franken a inicia e partido. Tropical ta bai adlanti cu un gol di Benny Brete. Score 1-0 pa Tropical. E atake aki ta worde sigi door di varios otro. Danies, Brete y Boekhoudt ta pone shontan cu no ta haña bon direccion.

E tricolornan ta responde cu varios atake, pero ta falta un bon coordinacion den e linea di atake. Un shot di alero robes Henriquez ta worde manda back door di portero Pedro Dijkhoff.

E wegá ta empá a ora cu Jose Bove ta pone un shot skerp y duro cu va keeper Dijkhoff no por a desvia mas. Score 1-1.

E portero di R.C.A. ta corre otro peliger den 37 minuut ora cu backcentral Maj Mattheew ta faya tratando di intercepta un voorzet. Benny Brete ta rush pa provecha e chens, pero un otro defensa ta strobé y ta manda e bala corner. Faltando cuatro minuut pa halftime, R.C.A. ta bai adlanti. Rechtsbui en Evenio Gonzalez ta ricibi un pase y ta shot lastra net for di rand di doelgebied. Keeper Dijkhoff, kende a cumenza sali pa buska e bala ta tira gijval, pero e bala ta haci un mal bounce y ta pasa over di man di e portero bai para den gol. Asina R.C.A. a tuma ventaha di 2-1.

Segundo miad.....

E ventaha di e onena tricolor no ta keda na pia pa mucho rato despues cu e partido a worde reanuda. Exactamente tres minuut tabata tin hunga di e parti complementaria ora cu durante un atake di Tropical, half Escalona ta pasa e bala mucho poco pa su keeper Simon. Cu hori tino Benny Brete ta rush ariba e bala y ta yega esaki prome cu keeper Simon. E shot di Brete ya no por a worde contenti mas y na di dos biaha e partido ta empatá. Score 2-2.

No ta tarda mucho cu Tropical ta amenaza fuer emente atrobe. Bon pase di Chicho Erasmus pa su compañero Simon Danies ta laga e defensa tricolor atras. Danies su shot di basta cerea ta lanta mucho y pasa over di gol.

Tropical ta bolbe tuma ventaha den di 12 minuut. E biaha aki ta linksbui en Domi Croes ta percura pa e anotacion. Un voorzet di ala drechi e ta kon aden poniendo e marcador na 3 pa 2.

Ta worde haci algun cambio den e alineacion di R.C.A. Linksbui en Duky Henriquez ta worde cambia pa Yonko Alberts y Godo Loeffstap

ta drecha como keeper na fuga di Roby Simon.

E delantaronan di Tropical no ta tarda pa pone e keeper nobo di R.C.A. den accion. Apenas un minuut keeper Loeffstap por tabata tin den wegá, ora cu ta bin otro atake Tropical. Back Mattheew ta hanja e bala y ta pase pa su keeper, pero esaki no ta tene e bala y linksbui en Casper Boekhoudt di Tropical ta raika bai aden pa simplemente duna e bala poco mas forza pa yega e net. Pa di cuatro biaha e anochi aki e gol di R.C.A. a worde bora.

Linea delantera di R.C.A. ta perde e bala cu e sakemes caba y ta bin otro atake di Tropical. Benny Brete ta haci rush y shot duro. Contra di e keeper e bala ta dal y bin back den tereno caminda Simon Danies ta para cla pa pone e toque final na e atake. E shot di Danies a pone e score na 5-2 pa Tropical.

E entusiasmo den e poco fanaticonan presente, cualnan den nan mayoria tabata di Tropical, ta indiscripible. Ya nan mes no por kere loke nan ta mirando. Tropical ta doblando R.C.A. manera e kier.

Den di 18 minuut Juchi Jansen di R.C.A. ta anota contrando un voorzet for di ala drechi mesora aden. Score 6 pa 3. Temporalmente e gol aki ta trece noca anotacion den e onena di R.C.A. Pero e rapido avanzan cu Tropical ta lanza despues ta bolbe trece e defensa tricolor den dificultad. Benny Brete, hungando rapido y agresivo ta haci un rush y pone un fuerte shot den skina. Den bon forma keeper Loeffstap ta logra pemp y mandá e bala corner.

Half Escalona ta salha R.C.A. di un otro anotacion en contra den di 22 minuut. Ora cu keeper Loeffstap a sali sin por a tene e bala durante un atake di Tropical, e bala ta yega cerea Simon Danies, kende ta shot den e gol sin keeper. Pero half Escalona ta yega na tempo den parti di gol y ta debolbe e bala salvando su team di un otro gol.

R.C.A. ta bai den atake pa largo rato sin tuma shontan efectivo riba gol.

Benny Brete ta anota su tercer

Un atake den di 25 minuut ta resulta den corner pa Tropical. Mid-voor Benny Brete ta tumbé y su shot ta bai directamente den gol, caminda un mal entendimiento entre e portero y un defensa tricolor ta permiti e bala sici libremente den gol pa haci e scoreboard marca awor 6 pa 3.

Den loke falta di e wegá, R.C.A. ta haci hopi esfuerzo. Nan no ta logra mas di un gol so mas sin embargo, cual ta un shot duro di rechts-

YABI

pa bo exito

Avisa den ARUBAANSE COURANT y compara e resultado!

MAPLETON

Regular y Filter Tip King Size

* Un paki di cigarja jen ho ta ricibi gratis, pa cada diez puki bashi cu bo entrega na:

SHANGHAI STORE

SAN NICOLAS

MAPLETON E-NOMBER TA PAPIA PA SI MES!

RON CONDESA

Awor cada botter di RON CONDESA tin un papel han di su capsula y masha hopi di e papelnan aki ta premia cu vale pa RON CONDESA y PA PLACA.

Bo por hanja un vale pa un Botter di Ron Condesa (4 tamaño) y tambe BO POR HANJA VALE PA f. 5.—, f. 10.—, f. 25.—, f. 50.— y f. 100.—.

Por cambia e valenan aki na:

Oficina di Firma Jan C. Lacle of na Santa Cruz Bar of na e Rumshop unda Bo a compra Bo botter di RON CONDESA.

FREE PUBLIC LECTURE

TO-MORROW

Tuesday, January 22 at 8 p.m.

CLUB BOLIVARIANA

THE MYSTERIES OF DEATH

by

GERALD BAILEY, F.R.C.

(From San Jose, California and member of the International Board of Lectureship of the Rosicrucian Order AMORC).

Also Sound and Colour Film "DOMAIN OF DESTINY"

1

INIGUALABLE CINZANO

CINZANO

TA E BEBIDA

MAS DUSHI

DEN E CLIMA

AKI

CINZANO

"RED (sweet) BIANCO (white sweet) and DRY"

* Agente: E. & G. MARTIJN (ARUBA) LTD.

STICHTING "UN YUDA OTRO"

ta presenta diasabra 26 di januari p.v. un grandioso

MIDNIGHT SHOW

den ARIIBA CARIBBEAN HOTEL

cu cooperacion di

XAVIER CUGAT Y ABBE LANE

Produccion ta pa e fondo caritativo di e Stichting

Entrada f. 2.50 (inclusivo UN drink)

Venta di entrada delant: Na negoshinan di DE WIT, Playalux, Whitfield, Mariska y seren miembronan directiva di e Stichting.

CISCO KID

presenta pa cortesía di

ARUBA BOTTLING COMPANY

e promer fabrica di refresco na Aruba, cu e productonan mas gusta y mas pidi. NESBITTS e refresco sin igual.

TENGAN LA MITAD DE ESTE BILLETE NO NOS SIRVE A NINGUNO / CUANDO COMPREN, SE LE DARA LA OTRA

HABRA LUZ PARA VER LO QUE HACEN, PUES ESTA NOCHE ES LUNA LUNA

SI EL SOBRIERA A COBIERTA DESPUES DE CENAR... ESTA NOCHE HAY UNA LUNA

Derechos Reservados

Antillian Hardware Co

E mejor adres pa VERF, KWASHI, TUR CLASE DI HERMENT, articulos sanitario.

SI NO ESTAS AUY OCU PADO, PODRIAS PEDIRME ESTAS ES-TAMPILLAS EN EL ALBUM?

BIEN

DEBE DE HABER MAS DE MIL ESTAMPILLAS ARUBA

SI CONSIGO CIEN MAS PODRE COMPRAR UN TOS-TADOR NUEVO

LO QUE VAS A TENER QUE COMPRARME ES UNA LENGUA NUEVA

Derechos Reservados



DAKOTA A BIRA CAMPEON DERROTANDO SAN NICOLAS JRS CU SCORE DI 4 PA 2

Den 10 minuut triunfo tabata segura

(Di nos redactor deportivo)

Dia Sabra anochi e titulo di campeon di futbol hoofdklasse a keda di-
ora cu Dakota a derota San Ni-
colas Jrs. cu anotacion di 4 gol pa
2. Pa di dos anja sigi e dakotjonan
obtene e jerecho di yama nan mes
campeon di futbol di Aruba.

Na 1961, despues di un mal anja
1960, nan a perde unicamente un
vaga, cual tabata den e segundo
mid cu score di 1-0 contra di Es-
trela na momento cu ya nan tabata
e titulo di campeon segura. E anja
di a keda nan no a perde ningun
vaga y aunk e cu e bala ta rondo
e por libremente menciona cu e
equiponan cu Dakota falta di
entrenar no ta mustando un futbol
lo por derota e dakotjonan.
obtene e titulo. Dakota realmente
tabata tin hopi dificultad. Verdad
nan tabata tin mester di penalty

Pa gana un of otro wega y cu na ul-
timo momento nan a sabi te ainda
cambia loke tabata parece un derota
den un empate y te hasta den un
triunfo, pero ta un hecho cu na a
muestra te ainda e mihor futbol e
anja aki. Nan acoplacion tabata y ta
mihor cu di e otro teamanan. Nan tin
den Yubi Richardson indubitablemente
e mihor portero actual di nos isla.

E defensa no a hunga cu e mes nivel
durante henter e campeonato, pero
nan actuacion tabata mas cu sufi-
ciente pa califica nan como e mihor
di e campeonato. E linea media ta
uno rapido, agresivo y hopi talentoso.
E linea delantera ta forma e mihor
combinacionnan cu nos por a mira
den e campeonato y a sabi di acu-
mular un bon porcentahe di gol. Ac-
tualmente Dakota tin 32 gol den su
favor y 12 contra, loke ta papia pa
su mes.

Dos gol di Richard Jacobs

Despues cu referi Mundo Kemp a
duna e senjal di cuminsa, San Ni-
colas Jrs. a lanza un rapido atake. Cual
a eba cu un shot mucho halto di
e alero drechi. E contra-atake dako-
tenjo no a tarda y ya den di 2 minuut
e bala ta peligrosamente dilanti di
e gol cuida pa Jose Robles. Un bon
voorzet di linkshuilen Nulfo Sieba
ta worde gekop aden door di e ho-
ben dakotjon Richards Jacobs. E
mes Jacobs aki dos minuut despues
ta holbe pong e marcador di Stadion
traha ora cu e ta ricibi un through-
pass y ta hanjele so cu keeper Robles.
Esaki ta sali rapidamente pa trata
di domina e bala, pero e shot di Ja-
cobs ta pasa banda di die y bai para
te den net. Score 2-0 pa Dakota.

Y net 10 minuut e partido tabata
tin aden ora cu e dakotjonnan ta
marea nan tercer gol. Un rush di
linkshuilen Nulfo Sieba ta eba ora
cu half Tromp ta kile e bala. Pero
Eddy Adonis ta hanja e bala y ta
pone un bon coloco shot den skina
halto net for di alcance di e portero
Robles pa e ventaha dakotjenjo suhi
te na 3-0. Ya na e momento aki e
triunfo y titulo di campeon pa Dako-
ta tabata segura.

Cu un atake rapido, den di 12 mi-
nuut San Nicolas Jrs. ta anota su
primer gol. Ta worde haci un voorzet
for di ala drechi y Eddy Gomez ta
kop net dilanti di man di keeper
Richardson pa manda e bala den gol.
Score 3 pa 1.

Cu e mes ritmo rapido San Ni-
colas Jrs. ta bai den atake atrobe y
e baha mas ta Eddy Gomez ta resulta
esun peligroso. E ta hanjele so cu
keeper, pero su shot ta hai suave-
mente den man di keeper Richardson.
Di ambos banda ta worde hunga
hopi rapido. Dakota cu mihor con-
trol, pero e defensa di San Nicolas
Jrs. ta move cu mas rapidez y sabi
di kibra hopi atake na ora. Halfime
a bai aden cu e score di 3 pa 1.

ELMAR ta presenta

„Reddy Kilowatt“

bo sirbidor electrico.

INFORMACION PERSONAL:

Number y apellido: REDDY KILOWATT

Ofishi: SIRBIDOR ELECTRICO

Lugar di nacimiento: TUR CENTRAL ELECTRICO

Fecha: NA CUALKIER MOMENTO.

Typo di cara: RONDO

Orea: STOPCONTACT

Nanishi: BOMBILLO

Cabei: CHISPE DI CORRIENTE

Mas informacion particular: E ta traha di dia y anochi, ta percursa pa bo comodidad y ta na seguridad di un y tur.



Segundo mitad: Un gol mas pa cada un

Cu e mes entusiasmo cu den e pro-
mier mitad, e equiponan ta continua
e bataya den e segundo. Dakota ta
cobra comer den di 12 minuut y no
a falta mucho cu Jacobs lo a logra
su tercer anotacion. Doc Williams a
kop bon poniendo e bala dilanti di
gol caminda Jacobs ta buske, pero
sin logra. Luego un baha mas Ri-

chard Jacobs ta resulta peligroso di-
lanti di gol. Su shot e baha aki ta
dal contra di poste di gol bin back
den tereno.

Gol number dos di San Nicolas Jrs.
ta worde anota den di 22 minuut
door di Rey Rasmijn ora cu combi-
nacion di dje cu Eddy Gomez ta pe-
netra e defensa dakotjenjo. Score 3-2
pa Dakota.

Un rato despues Eddy Gomez ta
hanjele den un angulo difcil, y su
shot ta sali na banda.

Den di 26 minuut, Juancho Kock
di San Nicolas Jrs. ta manka y Wil-
lemis mester drenta na su luga.

Cinco minuut, tabata falta pa e
wega termina ora cu San Nicolas Jrs.
ta lanza un atake peligroso. Eddy
Gomez ta corta mei mei dos dakotjenjo
pa hai buska un pase pero keeper
Richardson ta yega net un fraccion
di seconde promer cerea e bala y cu
uival ta stroba Gomez di shot. Den
e hugada Richardson ta keda na sue-
la hasta largo promer cu continua.

Pa buska e gol cu lo eba di segura
e triunfo, Dakota ta lanza rapido
atake. Un shot for di rechi di Ri-
chard Jacobs ta ganja e portero Ro-
bles, kende den posicion stranjo y cu
lomba pa tereno ta piki e bala.

Ambos equipo ta poniendo tur lo-
ke nan tin den e ultimo parti di wega.
Dakota ta sali e mihor ora cu nan
ta hanja un comer ya den e ultimo
seconde den di wega. E bala ta yega
cerea Dany Pablo, kende ta kop alen
pa pone e score na 4 pa 2.

E triunfo dakotjenjo ya no tabata
tin ningun duda mas, ya cu poco
seconde despues referi Kemp a fluit
pa ultimo baha e anochi ey.

E alegria entre e dakotjonan ta
bata inmenso naturalmente y e anja
aki na a ripiti nan parada bou di
pitamento den sayanan di Oranjestad
y di Dakota.

E hoben delantero Jacobs na final
di e partido a worde carga riba lom-
ba di su companjeronan kendenan
asina a muestra nan satisfaccion gran-
di cu e actuacion di e hoben prospec-
to aki.

Incluyendo e dos partidonan di e
weekend, nos ta hanja awor e siguiente
tabla di posicion. E total di wega cu
cada equipo mester hunga ta 14.

DAKOTA	12	0	2	0	32	—12	22
R.C.A.	11	7	1	3	30	—18	15
San Nicolas Jrs.	12	5	2	2	27	—25	12
Estrela	11	5	1	5	23	—21	11
Jong Aruba	11	5	0	6	26	—32	10
Aruba Jrs	11	4	1	6	19	—20	8
Riverplate	11	2	1	8	18	—27	4
Tropical	11	2	0	9	19	—39	4

Cumpleanjos

Awe ta cumpli 80 anja di edad
senjora Viuda Ines Kelly. E ta ricibi
felicitation di su jioenar Agustín,
Enilia, Denia, tambe di su suegro-
nan Maria y Jose, di su 14 nietonan,
12 bisanieto y di su subnietonan y
tambe di Miguel Everon y Maria Wil-
lems kende ta desea Maene hopi anja
mas di bida tambe felicitation ta bi-
ni di familia Kelly, Webb, de Cuba,
Willems, Kroezdijk y Everon.

Awe ta cumpli 29 anja di edad
sr. Pedro Tromp. Y e ta ricibi felici-
tacion di su tanta Rosa Tromp y di
su pepe Lucia Tromp, omonan An-
tonio y Victor y tambe di tur su
primonan y primanag y na Corsow
di su tata y di su 11 rumannan y di
tur su amigo y aniganan, tambe di
Arubaanse Courant y miembronan di
Divi-Divi group. A.A. cu ta desea
Pedro tur cos bon y di denas fa-
milia Tromp, Matilda, Giron, Rö-
mer y Semeler.

Awe ta recorda su fecha natal e
hobeneita Sonia Jasinthia Gomez. Fe-
licitacion ta bini di su mama Dora,
di su tata Mario, di su rumannan
Marylin, Astrid y Marylis Gomez, di
su welo y welanan, tanta y omonan,
primos y primanan, di su pepe Maria
Gomez, padrino Alejandro Tromp,
tambe di su amiguitanan di Fatima
School y tambe di Carmen Yrausquin
kende ta larga felicitacion y demas
familia.

Awe ta di fiesta senjor Ernesto
Frans pa motivo di ta recordando su
fecha natal. Felicitation ta bini di
su estimada esposa Mathilde, di su
jioenar, pero muy especialmente di
su nieto Ronny, tambe di familia
Winklaar y v/d Wall Arneeman.

AGENDA

Imprenta na N.V. Drukkerij „De Stad“
Theaterstraat 11, - Willemstad
Edicion suelta obtenible na 20 cent na:
Marika, Oranjestad - y Cabana Shop
Union Store, San Nicolas

Edite pa:
N.V. ARUBAANSE DRUKKERIJ, EN
UITGEVER, EN PUBLICITEITS M.I.
Nassaustraat 45 - Oranjestad, Aruba N.A.

ARUBAANSE COURANT

diariamente cu excepcion di
diadomingo.

Subscription y 325 paise adelante
Edicion suelta 20 ct.

Telefon 2116 Redaccion y subscription
1116 Directiva y anuncio
Directeur-hoofdradacuur: D. Wolf

CINE

Dialuna 21 di Januari 1963

DE VEEB: 8.30 or „The misfits“ 10 J.
DIALTO: 8.00 or „Teresa“ 10 J.
PRINCIPAL: 8.00 or „The magnificent seven“
10 J.

AUORA: 8.00 or „Que me maten en las
bras“ 10 J.
SAVANETA: 8.00 or „Elmer Gantry“ 10 J.

PROGRAMA FILMTRUCK

Awa noch filmtruck di e institucion pa
Combati Maluso di Alcohol ta na:
(NOOR) Voetbalveld Salina Cera

WIT-GELE KRUIS

San Nicolas: Zr. Perpetua
Oranjestad: Zr. Ewald
San Cruz: Zr. Ludovic
Hospital: San Pedro di Verona tel. 2200

PARTERA

Zr. Th. E. Gibbs, J.G. Emanstraat 78
Oranjestad, tel. 1333

BOTICANAN DI WADA

Oranjestad: BOTICA ODUBER, tel. 1750
San Nicolas: BOTICA SAN LUCAS, tel. 5119

POSTSLUITINGEN

Maandag

Angilia — Antigua — Argentina
14.00, Bolivia 14.00, Bonaire 8.00, Brazil
14.00, Br. Guiana 15.30, Canada 8.00, Ca-
nal Zone 15.30, Chile 14.00, COLOMBIA
Barranquilla 15.30, Borota 15.30, Costa
Rica 15.30, Cuba 10.00, Curacao 8.00 —
16.00, Ecuador 14.00, El Salvador 15.30,
EUROPA (Azir-Afrika) 8.00, Fr. Guiana
Guadeloupe — Guatemala 15.30,
Haiti — Honduras 15.30, Br. Honduras
15.30, Jamaica 10.00, Martinique — Me-
xico 15.30, Montserrat — U.S.A.
Miami Fla. 10.00, (Azir-Afrika-Australia)

RADIO KELKBLOOM

Dialuna 21 di Januari 1963

8.00 Opendag
8.02 Selecion Musical cu discorun Latina
Americana
8.30 Cumpleanjos Feliz
9.00 Musica Varia
9.30 Melodias Instrumental
10.00 Ritmo Latino
10.30 Programa di Niel Habibe Jr.
11.00 Musica Norte-Americana
11.15 Musica Antigua
11.30 Musica Varia
12.05 Noticia Local na papimento
12.20 Musica Norte-Americana
12.30 Nieuws in het Nederlands (Hartog)
12.45 Musica Norte-Americana
12.55 Nieuws in a Nutshell (Viana)
1.00 Musica Varia
1.30 Mei ora cu Bolero
2.00 Repetition (The International)
2.30 Musica Instrumental
3.00 Programma cu Twist
3.15 Programma cu Merengue
3.30 Programma di La Esperanza
4.00 Musica cu Sabur Azteca
4.30 Noticia (Local, Polis, Deportivo)
4.45 Cocktail Musical
5.00 Dances Cubanas
5.15 Musica Varia
5.30 Programma di All Hens (Mariniera)
6.00 Musica Instrumental (Gillette)
6.15 Calypso
6.30 Dinner Music
7.00 Musica Instrumental na pap. (Schilt)
7.15 Musica Europeo
7.45 Nieuws in het Nederlands (Hartog)
8.00 Boekbespreking
8.15 Novela (Estrellita)
8.30 Musica Varia
9.00 Philips (Open Box)
9.30 Musica Varia
10.00 Clausura
10.05 Klasiieke Muziek

RADIO VICTORIA

Dialuna 21 di Januari 1963

8.00 Apertura
9.05 Ultimas Noticias
9.15 E Babel Habri
9.30 E Mundo Femenino
9.45 Canticos di Evangelio
10.00 World News
10.10 Hymn of the Day
10.15 Radio Revital
10.45 Organ Melodias
11.00 Stories of Great Christians
11.15 Novela
11.30 Melodias di Meridia
11.40 Ultimas Noticias
12.15 Musica Sacrada
12.30 World News
12.45 First Concert Hall
1.00 Radio Concert Hall
2.00 Reading Room
2.15 Songs of Zion
2.30 quiet Hour
2.45 Ensenos Musicales
3.15 Cafe Con Musica
3.30 La Hora Buena
4.00 Musica di Banda
4.15 Ultimas Noticias
4.30 Verle
4.45 Noticia Espanol
5.00 La Voz del Evangelio
5.15 Palabra Musical
5.30 Musica Para La Cena
6.00 Ultimas Noticias
6.30 Interdio Musical
6.45 Netherlands Nieuws
7.00 Hymns That Live
7.15 On Wings of Song
7.30 Cavalcade of America
8.00 World News
8.15 Off the Record
8.30 Back to the Bible
9.00 Musical Gems
9.30 Haven of Rest
10.00 World News
10.05 Sign Off

RADIO CARACAS TELEVISION

Lunes 21 de enero de 1963

8.55 Patron de Radio Caracas Television
9.57 Informacion sobre los progr. del di
9.00 Documentales
9.20 Senderos de luz
9.45 Cinematograficos
10.00 El Calendario de mama
10.30 Cosas de Mujeres
11.15 Cortos Cinematograficos
11.30 La Perfecta Ama de Casa
12.00 La C.V.I.R.T.V. Informa a la Nacion
12.05 Telenovela Fab
12.25 Show de Saime
1.35 El Imparcial Television
2.00 Punto y Aparte
2.30 Club Femenino
3.00 Estudio de las Hectas - Montevideo
3.50 Telenovela
4.30 Club de los Nietos
5.30 Cine variedades „Yukery“
6.00 Pelicula
7.15 La novela de las 7.15
7.30 Papa lo sabe Todo
8.00 El Observador Creole
8.15 Su novela Falmora
8.30 Esta noche Billo
9.00 Novela Camay
9.15 Amador Musical en T.V.
9.30 Persiguiendo el crimen
10.00 Noche de gala
11.00 Cine-programa
12.30 Marcha Oficial, Himno Nacional
Despedida



Academia tecnico na Berlin a entrega un doctorado hono-
rario na e especialista di raket dr. Werner von Braun, cu ta
traha na Merca. Riba e portret nos ta mira d.r.p.dr. prof.
Kolb rector di e academia, dr. Werner von Braun, y prof.
Hermann Oberth, cu tambe a hanja un doctorado hono-
rario.

DICK TRACY

1. „Nos kier un lift, bo a
tende?“ „Esey ta un bon
chansa! Custumbra nan masha
stranjo.“ 2. „Como mi mien-
bronan di staf bosonan ta
gan actorman di television?“
„Nos no ta miembronan di
staf y esaki no ta chansa.“
3. „Drenta y cuminsa pa
hai.“ 4. „Kita tur e comuni-
cacionnan, y nos lo bisabo
bunda pa hai.“

WE WANT A
RIDE,
MOON MAN.
UNDERSTAND?

GOOD JOKE,
BOYST VERY
FUNNY
COSTUMES.

AS MY STAFF
MEMBERS,
YOU'RE
GREAT
TV
ACTORS!

WE'RE
NOT STAFF
MEMBERS—
AND THIS IS
FOR REAL.
FLY-FACE.

HOP IN THERE AND
LIMBER UP YOUR
GO FINGER.

KEEP OFF THE COMMUNICATION
SWITCHES, AND WELL
TELL YOU WHERE
TO GO.

RIP KIRBY

pa cortesia di: Jan Bodegom en Co (Aruba) N.V. TEL. 1284-1402

agente exclusivo di FRIESCHE VLAGE lechi evaporada y lechi en polvo. MAXWELL HOUSE KOFFIE

1. „Nunca mi no a tende
e tio ey, kizas tin algun
error.“ „Mi ta duda cu no
e papelnag, ta na ordu.“ 2.
„Mi tin algo gespaar den e
caneerera aki. Bo ta accepte
pa bo hai?“ „Imposibel! Esey
ta contra di e etica.“ 3. „Sen-
for imaginabel! Mi ta noble y
millionario! Esey si ta trou-
bel, mi no sabi kiko pa ha-
si!“

NUNCA
SUPE DE RE-
TIO LEJANO,
TALVEZ HA-
YA ALGUN
ERROR.

TENGO QUE NO
SU SEÑOR-
RIA, LOS
PAPELES
ESTAN EN
ORDEN.

TENGO ALGO
AHORRADO EN
ESTA AZUCAR-
ERA, LO ACEPTA
A CAMBIO DE
IRSE?

¡IMPOSI-
BLE! ¡ES CON-
TRARIO A LA
ETICA!

¡SEÑOR! ¡IMAGÍNESE!
¡SOY NOBLE Y MILLO-
NARIO! ¡QUE LLO-
NO SE QUE
HACER.“

BUCHI ROBEZ

presenta pa cortesia di: REFRESQUERIA INGRID TEL. 1849

★ e mihor adres pa snacks, tur clase di dushi, softdrinks, ice-cream y revistas



Menosprecia y lubida

pa: TUYUCHI
presenta pa cortesia di:
HOLLANDSE BANKETBAKKERIJ
Oranjestad tel. 2798 — San Nicolas tel. 5478

E mihor adres pa Bolo y tur clase di pasa-boca.
Diariamente fresco.

„B'a bira serio asina repentinamen-
te mi amor.“ I Bea a queda ta mira
Amato preocupado. „Bo tin algu riba
bo curazon?“

Como si fuera e quier a rehusa su
mes Amato a bisar:

„No, Bea, no ta nada. En reali-
dad...“

„Bo mester ta falta algo“, Bea a
responde. Ta den necesidad bo ta?
Bo ta den mester di placa?“

Amato a hiza su mannan den un
protesta di defensa.

„Por favor, Bea. No sigui mas leu.
Larga awor cu nos a topa trobe cu
otro nos papia solamente di nos mes
y di nos amor.“

Bea a sagudi cabez cu calma y
tabata pensa alivia y Bea a corda
cu na ultimo momento el a cohe su
checkbook y el a traha un check pa
Amato. Pasobra e tabata pensa cu
Amato no por a bini ela cu e suma
chiquito cu nan tabata paga, pa e
toea y Bea tabata gusta di mire tur
momentu masha nechi pegu.

Y Amato tabata contentu, pasobra
el a queda salba pa e hai su gas-
tunan como tres of cuater seman la-
gu, sin ningun preocupacion mas.

„Bo ta bini har awe noch? Bea?
Quizas cu mi por hui bai pa banda
di 12 or di anochi.“

Wolf no a haci ningun esfuerzo
ni di hiza su cara ora cu Bea a dren-
ta den su oficina. Te awor noma cu
e tabata dilanti su lessenaar, el a hiza
su cara y a queda ta mire na un
manera vigilante.

„Wel, Bea, sin duda bo ta awe di
mal hijs, mi amor. Primeramente bo
ta pone cas di bo tanta ariba „hao cu
bo papiamentu na telefon y awor cu
mi ta para bo dilanti, apenas bo ta
tuma nota mes di mi.“ El a inclina

y a sunchi Wolf na su orea. „Ta „sina
tantu b'a anhele na mi, amorita?“

Cu un cara inmovil Wolf a munstra
Bea un stul cu tabatin dilanti su
lessenaar y el a bisa formalmente:

„Cai sinta por favor, Bea. Lo mi
quier a discuti algu cu bo.“

Ainda hariendo el a duna oido na
invitacion di e hombre.

„Ahan, awor bo ta histi bo cara di
abogado. Asina mi n' ta custumbra
di mira bo“, Bea a bisa y a cende un
cigarra foi riba lessenaar. Y el a hin-
ka esaki den su estuche pretu, cu
el a saca foi su carter y a cuminsa
ta goza dje aroma.

„Ta paquico bo ta mira mi asina?“
e mucha muhe a puntra un poco
irrita.

„Bea, lo mi quier a suplica bo na
responde mi siguiente pregunta fran-
camente“. Wolf a tuma uq pausa
corto y a queda ta mira seriamente
su dilanti y anto el a puntra corto
y skerpi:

„Bo ta sigur cu bo ta stima mi?“

E pregunta repentina aqui a bruba
Bea por completo y el a queda tur-
tudi y su cara a hanja un expresion
desampara. Pero el a trek un huma
langu na su cigarra y a responde:

„Mi amor, bo ta haci cosnan ma-
sha stranjo awe. Bo pregunta ta re-
sona manera di un hende cu quier
interroga un culpable.“

„Bo a hula pipa pa mi pregunta.
Responde loque mi ta puntra bo y
nada otro. Bo ta sigur cu bo ta sti-
ma mi?“

Instintivamente Bea tabata sinti un
peligro ta acercando. Iedigna el a
hula lanta nei riba su curpa y a
bisa indomina:

„Lo bo no quier bisa mi prome ta
quico tur esaki ta nifica?“

„Wel, si bo no quier contesta mi e

pregunta aqui, anto talvez lo bo
mester por responde mi e otro pre-
gunta: Bo conoce quizas un muzikant
di har?“

Wolf a pone su cigarra abao y no
a perde e mucha muhe aqui foi
bisia. Y Bea cu a queda ta camina
bai hini den e cuarto despues di
preguntanan inespera aqui a queda
manera elaba na suela pa e ultimo
pregunta. Cu un arranque el a bira
su mes. No por a ripara sorpresa
riba su cara. Solamente su klepan
di wowo a cuminsa ta tembla nervio-
so. Anto el a responde poco poco
y cha:

„Mi conoce. Si. Y paquico?“

Wolf, quende no a quere cu lo
el a admira esqui asina facilmente
a perde su linea. Pero el a recupera
su mes unbez trobe y a haci e otro
pregunta:

„Asina! De la manera cu bo ta
admiti di ta conoce! Bo por tabata
pa casualidad huntu cune ajera no-
chi?“

„Si, mi tabata huntu cune“, Bea a
responde tranquilo. „Y ami lo por
hanja sa ta quende a pone bo na
altura di e?“

„Esey ta di menor importancia pa
bo, Bea“, Wolf a responde bruto.

„De la manera cu bo relacionan
pa cu e muzikant aqui no ta un se-
creto, solamente te ajera mi no ta-
bata sa nada absolutamente di esei.
Pero asina ta hai diferente bez den
bida; e prohomonan ta haci nan lenga
skerpi na un sensacio y solamente
e interesadonan no sabi di nada.“

Wolf a queda para nei riba su
curpa, el a pasa rond di su lessenaar
despues y a bai para tras di Bea.
Anto el a continua:

„Bea, un mucha muhe no por sti-
ma dos hombre pareu. Quende bo ta
stima anto. Tami di ta Amato?“

„Amato!“ Bea a grita apasionada-
mente.

Wolf a queda masha calma y el a
queda asombra di su mes cu enter
e caso aqui tabata importante asina
poco.

„Y ta paquico anto bo tabata bus-
ca asin tantu mi amistad? Bo no
por nenga cu ta foi principio cu nos
a cerria conocel otro bo a exigí mi
paga atencion na bo. No ta asina?“

Bea a bira su mes y mirando Wolf
den su cara el a bisar:

„Mi n' ta nenga nada. Pero e caso
entre ami cu Amato no tin nada di
haber den asunto di mi cu bo.“

„Ta com anto lo mi por splicia
esaki?“ Wolf a puntra cu silencio,

BO DIARIO

ARUBAANSE COURANT

e unico diario

DEN BO MES IDIOMA

y

e unico diario

CU TA INTERESA SOLAMENTE DEN ARUBA

y

CU TA BIRA MEHOR TUR DIA

TA OFRECE

DURANTE E LUNA AKI

NA SU ABONADONAN NOBO

IMPORTANTE PA NOS ABONADONAN ACTUAL:

Esnan cu paga nan subscripcion
pa henter anja 1963
DELANTA ta hanja

**1 LUNA
GRATIS**

UN

SUBSCRIPCION GRATIS

durante e prome

4 LUNA

Si nan paga e placa di subscripcion
PA HENTERANJA DELANTA
of

SUBSCRIPCION GRATIS

durante

2 LUNA

**SI NAN PAGA NAN
SUBSCRIPCION
CADA LUNA**

ADEMAS ARUBAANSE COURANT TIN

UN SORPRESA PENDIENTE PA SU ABONADONAN ACTUAL
ENTRANTE OTRO LUNA

GARY POWERS TA BAI PARTI

MILLEDGE VILLE, Georgia, 21 jan. — Francis Gary Powers, cu tabata presu na Union Sovietica despues cu nan a tira su avion U-2 riba teritorio Ruso, ta bai parti. Su suma di 5.000 dollar. Powers di 33 anja a declara dilanti un corte di justicia cu e unico persona cu a maltrate ora cu e tabata presu tabata su casa Barbara.

Su casa no tabata scribible v un biha el a keda 45 dia sin hanja carta di dje. Powers a pasa casi dos anja presu na Rusia. Na mei 1960 nan a tira su avion basha abou. El a basa su peticion pa separacion cu e ta antialcoholico y cu su casa ta maltrate.

Senjora Powers a acusa su casa di a perde tur sentido di balor y su obligacionnan como civil Mericano pa su casa su pais y su companieronan y ta biba completamente ambiciona na cosnan material y principalmente placa.

Foi su regreso na Merca Powers no ta esun di antes, segun senjora Powers.

INGLATERRA Y EEG

BRUSSEL, 21 jan. — Poco prome cu mei anochi e ministernan dje seis paisnan di e Comunidad Economico Europeo a kita foi otro, sin di a tuma ainda desicionnan oficial tocante e pregunta, si nan lo continua cu e deliberacionnan cu Inglatera tocante afiliacion Britanico den E.E.G. Na e momento ey nan no a duna nengun declaracion oficial tocante e deliberacion. Solamente nan a participa cu ayera mainta nan lo a continua.

E observadornan ta generalmente di opinion, cu no a cambia nada den e punto di bista Frances. Esaki kien meen cu Francia ta kere cu e deliberacionnan cu Inglatera lo kibra.

Mas di seis ora largu e ministernan di Alemania, Italia, Hulanda, Belgica y Luxemburgo, a trata dea un sesion ultimamente secreto pa cambia e punto di bista Frances, cu nan mester considera e conferencia cu Inglatera como termina. Minister Couve de Murville, tabata dispueto pa studia si despues por tin un otro forma di cooperacion riba cua nan lo por delibera. El a propone un forma di asociacion di Inglatera cu E.E.G.

DE GAULLE TOCANTE INGLATERRA Y EEG

PARIS, 21 jan. — President De Gaulle di Francia a bisa un cantidad di miembronan di parlamento Frances, cu alolargo Inglatera lo afilia den E.E.G., pero e ora ey, e De Gaulle, lo no ta mas den gobierno. Asina e corant Le Monde a anuncia.

Segun e corant Frances e president Frances a bisa ainda, cu e Inglesnan lo firma o lo sali foi Brussel. Despues nan lo pensa tocante e asunto aki un biaha mas. Pero algun dia nan lo drenta den e comunidad economico Europeo, pero e ora ey sin duda lo mi no tey mas.

Tocante preguntanan di e actitud dje cinco otro miembronan di E.E.G. pa cu Francia. De Gaulle a bisa: „Nan a firma un tratado y nan mester cumpli cune.

Tocante chensnan di un cooperacion entre Alemania y Francia, ora cu canceller federal Adenauer no tin puesto mas. De Gaulle a responde, cu e sucesornan di canceller federal, muske quende nan lo ta, nan lo sigui cu e mesun politica di Adenauer.

CHROESJEF TOCANTE GAITSKELL

MOSCU, 21 jan. — Prome minister Chroesjef a bisa cu falcementu di Hugh Gaitskell di partido laborista, ta un perdida grandi pa e partido aki. Den un mensahe pa e directiva di partido e prome minister Sovietico ta bisa: „Mi ta conmove dje morto di Gaitskell. Nos a tuma areglonan cu ne pa bishita Moscu, caminda e lo ta un huesped bienveni dje pueblo Ruso. Nos lo a cambia di idea tocante kestionnan cu ta di interes pa e pueblo Ruso como pa e pueblo Britanico.

Chroesjef a manda tambe un telegram di condolencia pa senjora Gaitskell.

PROPOSICION PA MERCADO COMUN NORTE AMERICANO

LONDEN, 21 jan. — E president dje partido liberal di Canada, Lester Pearson, a declara, cu e formamentu di un mercado comun Norte Americano door di Merca y Canada, lo por ta pa Canada, e miho politica, si Gran Britania bira miembro dje comunidad economico Europeo. Pero el a bisa cu formamentu di un tal mercado comun Norte Americano ta masha dificil pa comprende.

HENDE DI COLO PROCURADOR GENERAL DEN ESTADO MERICANO

BOSTON, 21 jan. — Gobernador Endicott Peabody di Massachusetts a instala Edward Brooke como procurador general dje estado.

Brooke ta e prome hende di colo cu tin un puesto den un estado Mericano. Na november di anja pasa nan a eligiele.

BO HOROSCOPO PERSONAL

ARIES
11 Maart — 20 April



Awe lo ta un dia masha ocupa pa bo, anochi ta favorable pa hasi bishita.

TAURUS
21 April — 20 Mei



Paga tino cu gastonan inesperta, tuma medida nan pa tene bo finanzas den balance.

GEMINI
21 Mei — 20 Juni



Mainta ta existi bo atencion en relacion cu bo interesnan financiero, busca cooperacion.

CANCER
21 Juni — 22 Juli



Concentra tur bo atencion riba asuntunan personal awe, aspectonan ta favorable.

LEO
23 Juli — 22 Augustus



Influencia di amigunan y conocinan por desvia bo atencion di asuntunan importante.

VIRGO
23 Augustus — 22 September



Bo popularidad por aumenta den bida social, aspectonan ta favorable pa haci bishita.

LIBRA
23 September — 22 October



No confia nengun hende awe, hasi tur bo cosnan bo mes pa bo no sali perdi.

SCORPIO
23 October — 22 November



No negligia bo debernan awe, dicidi tur cos bo mes y no larga otro dicidi pa bo.

SAGITARIUS
23 November — 21 December



Mainta ta sumamente adecuado pa coopera cu otro, paga atencion na desconfian di bo superiornan.

CAPRICORNUS
22 December — 19 Januari



Evita problemanan di otro awe, concentra bo riba cosnan cu ta di interes personal.

ACUARIUS
20 Januari — 18 Februari



Complace cu desconfian di otro awe, no busca bo mes interes y trata di ta carinioso.

PISCES
19 Februari — 20 Maart



Awe bo por tin poco contratiempo, bai cu pasenshi y trata pa no rabia lihe.

FORZA NUCLEAR DI MERCA Y RUSIA

WASHINGTON, 21 jan. — Experimentan militar Mericano riba teritorio di armamentu nuclear a declara na Washington cu e prome minister Ruso y lider di partido Nikita Chroesjef, a declara na e congreso di partido comunista di Alemania Oost, cu Merca ta dispone di mas di 40.000 arma nuclear, pero su calculacion ta demasiado abou, pasobra e cantidad di arma nuclear di merca ta 50.000. E experionan a declara tambe, cu Merca ta dispone di diez biaha mas tantu arma nuclear cu Union Sovietica, ambos pais ta dispone di un forza fuerte di arma nuclear y cu ambos por evita otro di cuminsa un guerra cu e atmanan aki.